

## গরু-ছাগল যবেহ করার ছুনাহসম্মত পদ্ধতি: শাইখ ইবনি বায (رحمه الله)

\* ক্বোরবানীর পশু যবেহ করার আগে ছুরি বা চাকুটি খুব ভালো করে ধার করে নিতে হবে, যাতে সহজেই যবেহ করা যায়। ‘উলামায়ে কিরামের অনেকে একাজটিকে ওয়াজিব বা আবশ্যকীয় বলে অভিমত ব্যক্ত করেছেন। কেননা, আবু ইয়া‘লা শাদ্দাদ ইবনু আউছ رضي الله عنه থেকে বর্ণিত, রাছুলুল্লাহ صلى الله عليه وسلم বলেছেন:-

إِنَّ اللَّهَ كَتَبَ الْإِحْسَانَ عَلَى كُلِّ شَيْءٍ، فَإِذَا قَتَلْتُمْ فَأَحْسِنُوا الْقِتْلَةَ، وَإِذَا ذَبَحْتُمْ فَأَحْسِنُوا الذَّبْحَةَ، وَلْيُجِدْ أَعْدَكُمْ شَفْرَتَهُ، وَلْيُرِحْ ذَبِيحَتَهُ

অর্থ- আল্লাহ سُبْحَانَ اللَّهِ সকল বিষয়ে ইহুছান বা দয়া প্রদর্শন আবশ্যকীয় করে দিয়েছেন। তাই যখন তোমরা হত্যা করবে তখন উত্তমভাবে হত্যাকার্য সম্পাদন করো, যখন তোমরা যবেহ করবে তখন উত্তমভাবে যবেহ কার্য সম্পাদন করো এবং তোমাদের প্রত্যেকে যেন নিজের ছুরি-চাকু ধার করে নেয় এবং নিজের ক্বোরবানীর পশুকে আরাম দেয়।<sup>২</sup>

\* ক্বোরবানীর পশু যদি গরু বা ছাগল হয় তাহলে এক্ষেত্রে পশুটিকে বামপার্শ্বে ক্বিবলাহমুখী করে শুয়াতে হবে। অর্থাৎ পশুটির মাথা দক্ষিণ দিকে এবং পা উত্তর দিকে রেখে তার মুখ ক্বিবলাহর দিকে করতে হবে। ক্বিবলাহ হলো সবচেয়ে উত্তম ও মর্যাদাসম্পন্ন দিক। রাছুলুল্লাহ صلى الله عليه وسلم ও সাহাবায়ে কিরাম (رضي الله عنهم) ক্বোরবানীর পশুকে বাম পাশে গুইয়ে দিয়ে ক্বিবলাহমুখী করে যবেহ করতেন।

\* যবেহকারী নিজের ডান পা পশুটির ঘাড়ের চেপে রাখবে।

আনাছ ইবনু মালিক رضي الله عنه থেকে বর্ণিত, তিনি বলেছেন:-

ضَحَّى النَّبِيُّ صَلَّى اللَّهُ عَلَيْهِ وَسَلَّمَ بِكَبْشَيْنِ أَمْلَحَيْنِ أَقْرَنَيْنِ، ذَبَحَهُمَا بِيَدِهِ، وَسَمَّى وَكَبَّرَ، وَوَضَعَ رِجْلَهُ عَلَى صِفَاحِهِمَا

অর্থ- রাছুলুল্লাহ صلى الله عليه وسلم সামান্য কালো মিশ্রিত সাদা রংয়ের শিংওয়ালা দু’টি দুম্বা ক্বোরবানী করেন। তিনি নিজ হাতে এদু’টিকে যবেহ করেন এবং তিনি (যবেহ করার সময়) বিছমিল্লাহ, আল্লাহ আকবার বলেন এবং দুম্বা দু’টির ঘাড়ের উপর স্বীয় পা রাখেন।<sup>৪</sup>

\* যবেহ করার সময় সময় ছুরি, চাকু বা ধারালো অস্ত্র যা-ই হোক না কেন অত্যন্ত শক্তভাবে দ্রুততার সাথে পশুর গলায় চালাতে হবে। যাতে খুব কম সময়ের মধ্যে যবেহের কাজটি সম্পন্ন হয়ে যায় এবং পশুটির কষ্ট

১. رَوَاهُ مُسْلِمٌ.

২. সাহীহ মুছলিম

৩. متفق عليه.

৪. সাহীহ বুখারী ও সাহীহ মুছলিম

কম হয়।

\* যব্হের সময় পশুর শ্বাসনালী, খাদ্যনালী ও শ্বাসনালীকে পরিবেষ্টন করে থাকা ঘাড়ের দুইপাশের বড় দু'টি রগ নিশ্চিতভাবে কাটতে হবে। তবে যদি শুধুমাত্র ঘাড়ের দুইপাশের বড় রগ দু'টি কাটা হয় তাহলেও যবেহ হালাল হয়ে যাবে। কারণ ঐ রগ দু'টি দিয়ে পশুর শরীরের রক্ত বেরিয়ে যায়, যদিও তাতে পশুটির প্রাণ বের হতে একটু বেশি সময় লাগে।

\* “বিছমিল্লাহ ওয়াল্লাহু আকবার” বলে পশু যবেহ করতে হবে। পশুর যবেহ করার সময় অবশ্যই “বিছমিল্লাহ” বলতে হবে। কেননা “বিছমিল্লাহ” বলা ওয়াজিব। তবে “বিছমিল্লাহ ওয়াল্লাহু আকবার” বলা উত্তম। কোরআনে কারীমে আল্লাহ ﷻ ইরশাদ করেছেন:-

﴿وَلَا تَأْكُلُوا مِمَّا لَمْ يُذَكَّرْ اسْمُ اللَّهِ عَلَيْهِ وَإِنَّهُ لَفِسْقٌ﴾

অর্থাৎ- যেসব জন্তুর উপর আল্লাহর নাম উচ্চারিত হয় না, সেগুলো থেকে খেয়ো না।<sup>৬</sup>

রাছুলুল্লাহ ﷺ বলেছেন:-

﴿مَا أَنَهَرَ الدَّمَ وَذَكَرَ اسْمَ اللَّهِ عَلَيْهِ فَكُلْ﴾

অর্থ- যে (হালাল) জন্তুর রক্ত প্রবাহিত করা হয়েছে এবং যেটির উপর আল্লাহর নাম উচ্চারিত হয়েছে সেটি খাও।<sup>৮</sup>

আনাছ (رضي الله عنه) থেকে বর্ণিত, তিনি বলেছেন:-

﴿ضَحَى النَّبِيُّ صَلَّى اللَّهُ عَلَيْهِ وَسَلَّمَ بَكْبَشَيْنِ ذَبَحَهُمَا بِيَدِهِ وَاسْمَى وَكَبَّرَ﴾

অর্থ- রাছুলুল্লাহ ﷺ দু'টি দুগ্ধা কোরবানী করেন, তিনি নিজ হাতে দুগ্ধা দু'টি “বিছমিল্লাহ ওয়াল্লাহু আকবার” বলে যবেহ করেন।<sup>১০</sup>

\* অতএব “বিছমিল্লাহ ওয়াল্লাহু আকবার” বলে পশুর গলায় ছুরি চালাতে হবে এবং সাথে সাথে বলতে হবে

سورة الأنعام - ١٢١. ٤

৬. ছুরা আল আন‘আম- ১২১

منفق عليه ٩.

৮. সাহীহ বুখারী ও সাহীহ মুছলিম

رواه البخاري ومسلم ٩.

১০. সাহীহ বুখারী ও সাহীহ মুছলিম

“আল্লাহুমা মিনকা ওয়া লাকা ‘আন্নী” (যদি কোরবানী নিজের পক্ষ থেকে হয়। আর যদি অন্যের পক্ষ থেকে হয় তাহলে ‘আন্নী-র পরিবর্তে -‘আন- বলে যার পক্ষ থেকে হবে তার নাম বলতে হবে)। অতঃপর বলতে হবে “আল্লাহুমা তাক্বাবাল মিন্নী” (যদি কোরবানী নিজের পক্ষ থেকে হয়। আর যদি অন্যের পক্ষ থেকে হয় তাহলে মিন্নী-র পরিবর্তে বলতে হবে মিন -- । এখানে “মিন” বলে সেই ব্যক্তির নাম বলতে হবে।

উপরোক্ত দু‘আটির অর্থ হলো- হে আল্লাহ এই কোরবানীটি আপনার পক্ষ থেকে (আমার জন্য নি‘মাত) এবং এটি আমার পক্ষ হতে আপনার জন্যেই উৎসর্গিত। হে আল্লাহ আপনি আমার পক্ষ থেকে ক্ববুল করুন। (এক্ষেত্রে কোরবানী যদি অন্যের পক্ষ থেকে হয় তাহলে দু‘আটির অর্থ করতে হবে- হে আল্লাহ এই কোরবানীটি আপনার পক্ষ থেকে নি‘মাহ এবং এটি অমুকের পক্ষ হতে আপনার জন্যেই উৎসর্গিত। হে আল্লাহ আপনি অমুকের পক্ষ থেকে ক্ববুল করুন।

‘আরাবীতে না বলতে পারলে “বিছমিল্লাহ ওয়াল্লাহু আকবার” বলার পর উপরোক্ত দু‘আর অর্থটি বাংলায় বলা যাবে।

তাছাড়া উপরোক্ত দু‘আটি মুখে উচ্চারণ না করে যদি মনে মনে করা হয় কিংবা দু‘আটির বিষয়-বস্তু কেবল অন্তরের মধ্যে থাকে, তাহলে তাতেও কোন অসুবিধা নেই। তবে মুখে উচ্চারণ করা উত্তম, কেননা রাছুলুল্লাহ ﷺ উক্ত দু‘আটি মুখে উচ্চারণ করেছেন।

তবে যিনি নিজে নিজ হাতে অথবা প্রতিনিধির মাধ্যমে কোরবানী দিচ্ছেন, অবশ্যই তার এই মর্মে সুস্পষ্ট নিয়্যাত থাকতে হবে যে, তিনি তার কিংবা তার ও তার পরিবারের পক্ষ থেকে একমাত্র আল্লাহর সন্তুষ্টির জন্য এই কোরবানী করছেন।

জাবির ইবনু ‘আদিল্লাহ ﷺ থেকে বর্ণিত একটি হাদীছ থেকে জানা যায়, তিনি বলেছেন যে, রাছুলুল্লাহ ﷺ ‘ঈদের দিন দু’টি দুম্বা কোরবানী করেন। তিনি দুম্বা দু’টিকে যব্হের উদ্দেশ্যে যখন ক্বিবলামুখী করেন তখন তিনি বলেন:-

إِنِّي وَجَّهْتُ وَجْهِيَ لِلَّذِي فَطَرَ السَّمَوَاتِ وَالْأَرْضَ حَنِيفًا وَمَا أَنَا مِنَ الْمُشْرِكِينَ إِنَّ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ ۝ لَا شَرِيكَ لَهُ وَبِذَلِكَ أُمِرْتُ وَأَنَا أَوَّلُ الْمُسْلِمِينَ اللَّهُمَّ إِنَّ هَذَا مِنْكَ وَكَعَنْ مُحَمَّدٍ وَأُمَّتِهِ ۝

অর্থ- “নিশ্চয় আমি আমার মুখমন্ডলকে একনিষ্ঠভাবে সেই স্বত্ত্বাভিমুখী করেছি যিনি আকাশসমূহ এবং পৃথিবী সৃষ্টি করেছেন আর আমি মুশরিকদের অন্তর্ভুক্ত নই। নিশ্চয় আমার সালাত, আমার কোরবানী, আমার জীবন, আমার মৃত্যু কেবল বিশ্বপ্রতিপালক আল্লাহর জন্যে, তাঁর কোন অংশীদার নেই এবং আমি তা-ই আদিষ্ট হয়েছি এবং আমি প্রথম আত্মসমর্পণকারী। হে আল্লাহ এই কোরবানী আপনার পক্ষ থেকে আমার

জন্য নি‘মাত এবং এটি মোহাম্মাদ ও তাঁর উম্মাতের পক্ষ থেকে আপনার জন্যে উৎসর্গিত”। অতঃপর তিনি (রাছুলুল্লাহ ﷺ) আল্লাহর নাম নিয়ে ও তাকবীর বলে (“বিছমিল্লাহ ওয়াল্লাহু আকবার” বলে) যবেহ করেন।<sup>১২</sup>

উক্ত হাদীছ সহ কাছাকাছি মর্মার্থের আরো কিছু হাদীছের ভিত্তিতে ‘উলামায়ে কিরামের অভিমত হলো যে, ক্বোরবানী করার সময় উপরোক্ত দু‘আ ও বাক্যগুলোও পড়া যাবে তাতে কোন অসুবিধা নেই। তবে কেউ কেউ বলেছেন যে এক্ষেত্রে وَأَنَا أَوْلُ الْمُسْلِمِينَ (এবং আমি প্রথম আত্মসমর্পণকারী) এর স্থলে وَأَنَا مِنَ الْمُسْلِمِينَ (এবং আমি আত্মসমর্পণকারীদের অন্তর্ভুক্ত) বলতে হবে।

সূত্রঃ- (প্রয়োজনীয় কিছু সংযোজন ও বিয়োজন সহ) মাজমূ‘উ ফাতাওয়া ওয়া মাক্বালাতুশ্ শাইখ ইবনি বায  
ﷺ।

১২. ছুনানু আবী দাউদ ﷺ। ইমাম আল আলবানী ﷺ হাদীছটিকে সাহীহ বলেছেন